

**Klub SDP BiH**  
**Zastupnica Jelena Pekić**

Sarajevo, 07.09.2023. godine

**ZA:**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**n/r Predsjedavajućeg Skupštine Kantona Sarajevo**

U skladu sa članom 214. Poslovnika Skupštine Kantona Sarajevo, dostavljam:

### **ZASTUPNIČKU INICIJATIVU**

Prema: Vladi Kantona Sarajevo

Prema: Ministarstvu za nauku, visoko obrazovanje i mlade Kantona Sarajevo

**Da se ispravi diskriminacija po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2023. godinu od 18.05.2023. godine.**

### **OBRAZLOŽENJE:**

Programom B.1.c: „Sufinansiranje troškova tehničke izrade i odbrane doktorske disertacije na Univerzitetu u Sarajevu“ u okviru Javnog poziva za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2023. godinu od 18.05.2023. godine, definisano je da se na isti mogu prijaviti samo lica koja su na doktorskom studiju na Univerzitetu u Sarajevu i to u samom tekstu naziva Programa, dok je u odredbama „C-Uslovi za realizaciju projekata“ definisano „na području Kantona Sarajevo“.

U dokumentu Odluke Vlade Kantona Sarajevo o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo br. 02-04-19964-29/23 od 11.05.2023. godine nije precizirano da se gore navedeni program odnosi isključivo na Univerzitet u Sarajevu, nego na „području Kantona Sarajevo“ a što je dodatno pojašnjeno i u pratećem dokumentu koji se nalazi uz gore navedenu Odluku pod nazivom „Smjernice, kriteriji i dokumenti za: Program A, Program B“ i to kako glasi:

Za projekte programa B.1.c neophodno je da:

- a) da je kandidat državljanin Bosne i Hercegovine;

- b) da je doktorska disertacija odbranjena u 2023. godini na visokoškolskoj ustanovi na području Kantona Sarajevo ili da je određen termin javne odbrane doktorske disertacije u 2023. godini na visokoškolskoj ustanovi na području Kantona Sarajevo;
- c) da je doktorska disertacija odbranjena u 2022. godini na visokoškolskoj ustanovi na području Kantona Sarajevo nakon objave Javnog poziva Ministarstva za nauku, visoko obrazovanje i mlade Kantona Sarajevo u 2022. godini;
- d) da kandidat nije ostvario finansiranje/sufinansiranje tehničke izrade i odbrane doktorske disertacije od organa/institucija na bilo kojem nivou vlasti u BiH.

Gore navedenim kriterijima nije precizirano da doktorska disertacija treba biti na Univerzitetu u Sarajevu.

U vezi sa navedenim, smatram da je gore navedenim Programom potrebno obuhvatiti i privatne univerzitete sa područja Kantona Sarajevo koji su institucionalizirani u Kantonu Sarajevo i potpadaju pod nadležnosti Zakona o visokom obrazovanju Kantona Sarajevo i resornog ministarstva. Dodatno, smatram da se sufinansiranje ovakvog jednog projekta, kao što je doktorska disertacija, odnosi na fizička lica, jer su oni doktoranti/ce, pa samim tim poziv za isključivo kandidate/tkinje sa Univerziteta u Sarajevu, predstavlja diskriminaciju, uz napomenu da disertaciju ne rade univerziteti, već fizička lica.

**U skladu sa navedenim podnosim inicijativu da se preraspodjelom osiguraju dodatna finansijska sredstva i ponovi javni poziv za 2023. godinu, a koji će obuhvatati i doktorante drugih univerziteta, jer naizgled neutralna odredba u javnom pozivu, kriterij ili praksa koja je na djelu, dovodi do diskriminacije doktoranata privatnih univerziteta u Sarajevu. Također, da se u narednim godinama od 2024. godine obavezno ispravi ovakav nepovoljan ili manje povoljan položaj doktoranata privatnih univerziteta u odnosu na doktorante Univerziteta u Sarajevu.**

Molim Vas da odgovor na inicijativu dostavite i u elektronskoj formi na službeni mail [jelena.pekic@skupština.ks.gov.ba](mailto:jelena.pekic@skupština.ks.gov.ba).

S poštovanjem,

*Jelena Pečić*  
*Zastupnica u Skupštini Kantona Sarajevo*